



UNIVERSITÄTS-
BIBLIOTHEK
PADERBORN

Universitätsbibliothek Paderborn

Trutz Nachtigal oder Geistlichs-poetisch Lustwäldlein

Spee, Friedrich von

Cöllen, 1660

Daß geheimnuß der Hochheiligen Dreyfaltigkeit/ so wol Theologisch als
Poetisch/ wie viel geschehen können/ entworffen.

[urn:nbn:de:hbz:466:1-46969](https://nbn-resolving.org/urn:nbn:de:hbz:466:1-46969)

Daß geheimnuß der Hochheiligen Drey-
faltigkeit/so wol Theologisch als Poë-
tisch/wie viel geschehen können//
entworffen.

1. Ihr schöne Geister Seraphim

In glanz/ vnd feur beleydet//

Ihr schnelle knaben Cherubim//

Zum Gottes lob verendet//

Stimt ein zur besten harpffen mein//

Zur harpffen frisch beschnüret//

Zum glatt gezielten versen rein//

Auß höchstem thorn entführet.

2. Vom Herren groß/ Gott Sabaoth

Erd/ Himmel star erschallet:

Dem Einsam drey/drey, einem Gott:

Daß Meer in brausen waltet.

En da laßt vns mit stimmen ein//

Laßt vns die Seiten rühren//

Laßt vns bey süßen versen rein:

Die zarten oren führen.

3. Der Vatter/ Sohn/ vnd heylig Geist

Ist eines nur zusammen:

Doch drey mans je verscheiden helfe

Mit eygenschafft/ vnd namen.

Selb. ständig seind personen drey//

Sols niemand nit vernemen//

G S

Daß

Daß diese drey doch eines sey/
Mit schrifft mans kan bescheinen.

3. Man zehlet die selb-ständigheit

Vnd bleibet vnter dessen

Ein vngesehltē wesenheit/

Vnd Gottheit vnermessē.

Ist eine macht/ vnd herzigkeit

Ist eine krafft/ vnd stärke/

Ist eine groß/ vnd ewigkeit/

D nur mich recht vermercke.

4. Der Vatter/ Gott vnd alles ist/

Allein ist er von keinem:

Der Sohn/ auch Gott vnd alles ist/

Allein ist er von einem:

Der Geist auch Gott vnd alles ist/

Allein ist er von zweenen:

Doch alles aller eigen ist/

Thut keiner nichts entlehen.

6. Der Vatter kam auß niemandt zway/

Dich laß noch bas bescheiden/

Vom Vatter kam der Sohn fürwahr/

Der Hellig Geist von beyden/

Der Sohn ist von dem Vatter sein/

Nicht ohn geburt entsprossen/

Der Geist von beyden in gemein/

Doch ohn geburt enflossen.

7. Der Sohn auß seines Vatters schoß
Von ewigkeit geböhren/

Ist end. beginn. vnd Mutter. loß:
Verstand gibt hie verlohren.

O Sohn/du deines Vatters glanz/

O liecht/vom liecht gezündet!

Deß Vatters wesen/vnd substanz
Vndlich/vnergründet.

8. Daß wesen sein/dir höret zu/

Daß deinig ist daß seine/

Bist nur was Er/vnd Er was du/

Gar fest ichs also meine:

Doch du nit bist/wer eben Er/

Auch Er wer du nit nichten/

Wers anders meiner fehlet ferz/

Der glaub es muß entrichten.

9. Von beyden bist/O beyder Geiße/

Gleich beyden furgetreten/

Von beyden gleichsam hergereist/

Gleich beyden anzubetten.

Dem Sohn vnd Vatter/beyden gleich

In gleich. vnd selbem wesen:

Ganz eben mächtig/eben reich:

O wolstand außzerlesen!

10. Dasselbig/was der Vatter ist/

Was auch der Sohn imgleichen

Du selber auch natürlich bist;
 Thut keiner keinem weichen:
 Doch wer der Sohn/ vnd Vatter ist/
 Selb. ständig in personen/
 Derselbig du mit nichten bist/
 Wie wol bey selber Ernen.
 11. Was du dan bist/ Sohn/ Vatter ist/
 Daß wesen aller beyden:
 Wer du doch bist/ ihr keiner ist/
 Personen seind verschiedem.
 Von dem/ was eben selber bist/
 Ein Gott von Gott sich rühret:
 Von denen/ deren keiner bist/
 Dein Ursprung sich enführet.
 12. Ach führe mich in hohem lauff/
 Begleite mich in lufften;
 Erhebe mir von Erden auff/
 Die schwäre süß/ vnd hüfften.
 Mich laß noch ferner machen kund
 Dem Leser vnverdrossen/
 Wie Sohn/ vnd Geist/ ihr alle stund
 Seid ewiglich entsprossen.
 13. Der Vatter sich von Ewigkeit
 Nothwendiglich betrachtet/
 Sein wesen/ pracht/ vnd Herlichkeite
 Er mit verstandt erachtet.

Sich selbst er ihm bildet ein/
 Unendlich sich begreiffet;
 In ihm Geschöpff so möglich sein//
 Im selben blick durchstreiffet.
 14. Er gründet seine tieffe macht.
 Wiewol doch vnergründet;
 Beschawet seine pomp / vnd pracht//
 Edir wesener erkunder.
 Die Gottheit sein / vnd gangen gwalt
 Von ewig alten tagen
 Er deutlich fasset in gestalt/
 Was toll man weiter sagen.
 15. Wie klar dan er sich selbst erkendte//
 Wie selbst sich er mag wissen/
 Also steht er von ihm behend
 Im herzen abgerissen/
 Das Herzen wort / vnd herz concept//
 Von ihm / gleich ihm gezeuget/
 Auch gleich mit ihm in warheit lebt:
 Der glaub vns nicht betreuget.
 16. Wes wesens nun der concipist//
 So selb sich concipiret;
 Der schön concept auch selber ist/
 Unendlich gleich formiret.
 In ihm dieselbe krafft / vnd macht
 Sich zeigt vngefehlet/

Geschöpff in ihm/als obgesagt/
 Auch bleibens vnverhätet.
 17. Schau da dan setzet sich das bild/
 Ein Gott/von Gott gestaltet:
 Ein Sohn/von seinem Vatter milde/
 Im wesen vnzerpaltet:
 Ein red/von seinem Mund gezihlet/
 Ein herz/von seinem herzen/
 Ein bild/von ihm recht abgebildet/
 Ein liecht von seiner Kerzen.
 18. Ein Stern/von eben seinem Stern/
 Die Sonn/von seiner Sonnen/
 Der wahre kern von seinem kern/
 Der bronn/von seinem bronnen/
 Der schein/von eben seinem schein/
 Der strahl von seinem strahlen/
 Die Weisheit/von der Weisheit seln/
 Kan besser dits nit mahlen.
 19. Gleich wie der Vatter/so der Sohn/
 Seind eines nur sie beyden/
 Ein einig Gott/vnd zwo Persohn/
 All irthumb soll man menden.
 Nicht scheidet sich die wesenheit/
 Natur bleibt vnzerpaltet;
 Sohn/Vatter selben Scepter beyd
 Wieder/so der verwaltet.

20. Der Vatter gar in sich verzucket/
 Bleibt ewiglich im wesen/
 Sein helles Wort/hell abgetruckt
 Er ewiglich thut lesen/
 Er ewig in beschawligkeit
 In seinem pracht erstarret/
 Drum folgend auch in ewigkeit
 Das herten-wort verharret.
21. Wer wil nun sterlich reissen dar/
 Vnd mahlen nach dem leben/
 Wie dan sie beyden also gar
 In lust vnd freuden schweben?
 Wer wil beschreiben ohn verstoß/
 Wie wunder dan getrieben/
 Mit außgespanter stammnen groß
 Sich beyde gleich verlieben?
22. Der Vatter in so werthem Sohn
 Die Schönheit sein betrachtet/
 Den Vatter auch in seinem Thron
 Der Sohn ohn massen achtet:
 Da reget sich mit starckem trieb/
 Von ein. vnd einer seiten
 Ein hoch. vnd hoch gespannte Lieb/
 Ohn/Anfang/End vnd Zetten.
23. Der Vatter seuffzet ohne ruh
 Zu seinem Sohn verthebet:

Der

Der Sohn ihm wider seuffzet zu/
Sich gleichem feur ergibet.

Zu gleich dan er / zu gleich dan der
Mit gleichem brand befangen/
Mit seuffzen hin / mit seuffzen her
Bezeugens ihr verlangen.

24. Ah! der Vatter seuffzen thut
Zu seinem Sohn geschwinde;
Ah! der Sohn auch seuffzet gut
Mit eben selbem winde.

O schöner Sohn! du schönes Bild!
Nun lieb ich dich so sehere.

O schöner Vatter! Vatter mill!
Zu dir mich eben fehre.

25. O schöner Sohn / du morgenscheln!
Die Lieb ist vnermessen!

O schöner Vatter / Vatter mein
Auff dich bin gar erfessen.

Ach schöner Sohn du klares liecht!
Für Lieb ich gar erbrinne:

Ach Vatter mein / ich freylich nicht!
Dem Feur ich nicht enrinne.

26. Ah! nun da du schöner Sohn!
Für Lieb kan mich nit lassen:

Ah! nun da du meine Cron/
Ah! laßt vns vmbfassen.

O Sohn

O Sohn du mein: du Vatter mein:
 Du meine krafft/du meine:
 Vnd ich dann dein: vnd ich bin dein.
 O wollust in gemeine!

27. Schau da dan krafftig windet ab
 Der feußzer ihrer beyden.

Der süße Geist die süße gab/
 O freud/ob allen freuden!

Der Sohn/vnd Vatter; der/vnd der
 Gar lieb.vnd freundlich hauchet:

Auß einem hertzen her/vnd her
 Der athem süßlich rauchet.

28. Von beyden kompt der hertzenwind//

Von beyden gleich gewindet:

Ist beyder Geist/vnd feußzer lind//

Wã so nie verschwindet:

Ist beyder vnzertrentes Band/
 So ntemal sie enbindet:

Ist beyder Blut/vnd hertzenbrand/
 Ohn maß/vnd ziel gezündet.

29. Der Sohn/vnd Vatter ewiglich/
 Ohn end/vnd ohn beginnen/
 Mit gleichem hertzen inniglich
 In gleicher lieb erbrinnen.

Sie beyde zween/vnd eines beyd/
 Sich ewiglich vmbfassen/
 So

So

So sauset auch in Ewigkeit
 Der Geist ohn vnderlassen.
 30. O süßer Wind / O süßer Blast!
 Von beyden her geblasen:
 Erleuchte meinen sünden-last!
 Heil meine Wund vnd Nasen.
 Ach mache mich der sünden loß!
 Der Bürden vnerträglich:
 Blas auß die fetten / band vnd schloß!
 Mit seuffzen vnaußsprechlich.
 31. O gülden Regen / gülden-fluß!
 Von beyden gleich ergossen:
 O gülden strahl / O gülden-schuß!
 Von beyden fürgeschossen:
 Thu nur die dürstend herzen dein
 Mit deiner gnad besuchren;
 Thu nur mit deinem klaren schein
 Die Kinder dein erleuchten.
 32. Deß Sohns vnd Vatters einig kuß
 In beyden vntertheilet;
 O stark, vnd reicher gnadenguß!
 So gleich all schaden hellet.
 Vns deine Kinder spahr gesund!
 Das leben vns erstrecke!
 Vnd aller vnser Herz vnd Mund
 Zu deinem lob erwecke.

33. Gelobet sey der einig Gott
 Zu tausent/tausent mahlen/
 Zu tausentmahl Gott Sabaoth/
 Vnd noch zu tausentmahlen.
 Gelobet die Dreyfaltigkeit/
 Dreyfaltig in Personen/
 Gelobet die Drey Einigkeit/
 Drey Einig in der Cronen.
34. Dir sey lob/ehr vnd preys gelest/
 Als nun/von zeit/zü zeiten/
 O Vatter/Sohn vnd heilig Geist/
 In folgend ewigkeiten.
 Dich loben deine Seraphim/
 In glanz vnd feur bekleydet/
 Dich loben deine Cherubim/
 Zu deinem lob vereydet.

Eine Ecloga, oder Hirtengespräch / darin
 zween Hirten/einer Damon, der ander Hal-
 ton genant / je einer vmb den andern in die wett
 spielen/vnd zu Nacht Gott loben/dieweil
 Mond vnd Sternen scheinen.

Eingang.

DEr Mond auff runder henden war/
 Vnd hütet seine Sternen;
 Zween